

Euskal AEko eraikuntzaren sektoreko jarduera % 2,3 hazi da 2025eko lehen hiruhilekoan


Eraikuntzak % 3,5 egin du gora eta Ingeniaritza zibilak ez du aldaketarik izan

Eustaten datuen arabera, 2025eko lehen hiruhilekoan, Euskal AEko eraikuntzaren sektoreko jarduera, uneko prezioetan, aurreko urteko hiruhileko berean baino % 2,3 handiagoa izan da.

Hiruhileko honetan, eta egutegiaren eraginak atera ondoren, uneko prezioak hazi egin dira urte artean, batez ere, Eraikuntzaren sektorean portaera positiboa izan delako (% 3,5eko igoera). Bestalde, Ingeniaritza Zibileko salmentek ez dute aldaketarik izan, eta 2024ko lehen hiruhilekoaren maila berean mantendu dira.

Euskal AEko Eraikuntzaren koiunturako indizea obra-motaren arabera

Urte arteko tasa. Egutegiko eraginak zuzenduta



Iturria: Eustat. Eraikuntzaren koiunturako indizea (EKI)

2025eko lehen hiruhileko honetako sektorearen jarduera aurreko hiruhilekoarekin alderatuz gero, 2024ko laugarrena, Eraikuntzaren koiunturako indizea % 0,4 igo da termino nominaletan edo uneko prezioetan, dagozkion urtaro-ondorioak atera ondoren. Eraikuntzan jarduera % 0,1 igo da aurreko hiruhilekoaren aldean eta Ingeniaritza Zibilean % 4,2.

Euskal AEko eraikuntzaren koiunturako indizea. Aldakuntza tasak. Uneko prezioak (p). 2025/I

	Uneko prezioak		
	t/t-4	t/t-1	At/At-4
Indize orokorra Euskal AE	2,3	0,4	2,3
Eraikinak	3,5	0,1	3,5
Ingeniaritza zibila	0,0	4,2	0,0
Araba/Álava	5,0	1,1	5,0
Bizkaia	0,1	-0,1	0,1
Gipuzkoa	5,0	1,1	5,0
Indize orokorra higiezinaren sustapenik gabe	2,9	2,2	2,9
Higiezinaren sustapenik gabeko eraikuntza	4,3	2,8	4,3
Langile okupatuaren indizea Euskal AE	-3,6	1,1	-3,6

Oinarria 2021=100

(p)Behinbehineko datuak

t / t-4 Urte arteko aldakuntza-tasa. Egutegi eraginak zuzendutako datuak

t/t-1 Hiruhileko arteko aldakuntza-tasa. Datu desestazionalizatuak

At/At4 Urte arteko aldakuntza-tasa metatutako aldiari, urteko 1. hiruhilekotik behatutako azken hiruhilekora arte (At), aurreko urtean metatutako aldi beraren aldean (At-4). Egutegiaren ondorioen datu zuzenduak

Data 2025eko Maiatzaren 26a

Iturria: Eustat. Eraikuntzaren koiunturako indizea

2025eko lehen hiruhilekoan, Eraikuntzaren sektorearen jarduerak gora egin du urte artean: % 0,1 Bizkaian eta % 5,0 Araban eta Gipuzkoan. Aurreko hiruhilekoaren aldean, Eraikuntzaren koiunturako indizea % 0,1 jaitsi da Bizkaian, eta % 1,1 igo da Araban eta Gipuzkoan.

Higiezinaren sustapenaren jardueraren eragina kontuan hartu gabe, Eraikuntzaren jarduera, urte artean, 2024ko hiruhileko berean baino % 4,3 handiagoa izan da, eta hiruhileko artean, berriz, % 2,8 igo da. Eraikuntzaren sektore osoa, *Higiezinaren sustapena* kontuan hartu gabe, % 2,9 igo da 2024ko lehen hiruhilekoaren aldean eta, 2024ko laugarren hiruhilekoaren aldean, % 2,2.

Landunen indizea, aurreko urteko hiruhileko beraren aldean % 3,6 jaitsi ondoren, aurreko hiruhilekoan (2024ko laugarren hiruhilekoan) baino % 1,1 handiagoa izan da 2025eko lehen hiruhilekoan.

Informazio-oharra

Eustatek eskerrak eman nahi dizkie informazioa biltzen lagundu duten establezimendu guztiei. Horiei esker, hiruhileko honetako indizea laginaren % 90,1eko estaldurarekin kalkulatu da.

Informazio gehiago:

Eustat - Euskal Estatistika Erakundea / Instituto Vasco de Estadística

Donostia kalea 1, 01010 Vitoria-Gasteiz

Prentsa-zerbitzua: servicioprensa@eustat.eus Tel: 945 01 75 62